

Prof. dr. Sadeta Hamzić

Prof. dr. Sadeta Hamzić, redovni profesor Univerziteta u Sarajevu – Medicinskog fakulteta za naučnu oblast Medicinska mikrobiologija, specijalista Medicinske mikrobiologije s parazitologijom

Dr. sci. med. Sadeta Hamzić diplomirala je na Medicinskom fakultetu Univerziteta u Sarajevu 1988. godine. Izabrana je u nastavno zvanje asistent za nastavni predmet Medicinska mikrobiologija i parazitologija Medicinskog fakulteta Univerziteta u Sarajevu 1995. godine. Postdiplomski studij, smjer "Eksperimentalna medicina" pohađala je u periodu 1996.-1998. na Medicinskom fakultetu Univerziteta u Sarajevu. Specijalizaciju iz Medicinske mikrobiologije s parazitologijom obavila je u Sarajevu u periodu 1993.-1996. godine i stekla stručno zvanje specijalista medicinske mikrobiologije s parazitologijom. U okviru specijalizacije boravila je u više navrata na Institutu za mikrobiologiju Medicinskog fakulteta Univerziteta u Ljubljani, u Colaboratoriji WHO za arbovire i hemoragičnu groznicu sa bubrežnim sindromom, gdje je dobila Statement za rad na serološkoj dijagnostici hantavirusnih infekcija u Bosni i Hercegovini. Takođe, u okviru specijalizacije boravila je u Imunološkom zavodu u Zagrebu. Postala je član Njujorške akademije nauka 2005. godine. Član je Udruženja mikrobiologa FBiH.

Magistarski rad odbranila je 2001. godine na Medicinskom fakultetu Univerziteta u Sarajevu i stekla naučni stepen magistra medicinskih nauka. Izabrana je u nastavno zvanje viši asistent na Katedri za mikrobiologiju i parazitologiju Medicinskog fakulteta Univerziteta u Sarajevu 2001. godine. Doktorsku disertaciju odbranila je 2004. godine na Medicinskom fakultetu Univerziteta u Sarajevu i stekla naučni stepen doktora medicinskih nauka. Od 2006. do 2011. godine bila je naslovni docent, nakon čega je izabrana u nastavno zvanje docent za naučnu oblast Medicinska mikrobiologija, Medicinskog fakulteta Univerziteta u Sarajevu. U nastavno zvanje vanredni profesor za naučnu oblast Medicinska mikrobiologija, izabrana je 2013. godine, a u zvanje redovni profesor 2019. godine.

Naučno područje od interesa Medicinska/klinička mikrobiologija (Virusologija). Učesnik je u 5 projekata, voditelj 1 projekta. Broj publikacija – 63 rada, 2 univerzitetska udžbenika, 2 knjige fakultetsko izdanje.

Šef je Katedre za medicinsku mikrobiologiju Univerziteta u Sarajevu – Medicinskog fakulteta od 2018. godine do danas. Odgovorni je nastavnik za obavezni nastavni predmet „Medicinska mikrobiologija 2“ i izborni predmet „Mikrobiološke dijagnostičke tehnike“ za studente Medicinskog fakulteta Univerziteta u Sarajevu. Učestvuje u izvođenju nastave studentima Stomatološkog fakulteta sa stomatološkim kliničkim centrom Univerziteta u Sarajevu.